

19. desember 2017

Fundur nr. 12 á árinu 2017 í aðalstjórn Vestra, haldinn kl. 17:00 í sal á efri hæðinni í Vestra húsinu.

Mættir eru: Hjalti Karlsson, Gísli Jón Hjaltason, Guðni Guðnason, Guðfinna Hreiðarsdóttir, Sigurður Hreinsson og Jóna Lind Kristjánsdóttir

Gengið til dagskrár:

1. Samstarfssamningur Ísafjarðarbæjar og HSV.

Formaður fór yfir nýgerðann samstarfssamning Ísafjarðarbæjar og HSV, sem samþykktur var á síðasta formannafundi HSV. Fram kom að stjórn HSV sé vel sátt við samninginn. Í honum er ákveðin leiðrétting á framlögum, sem skerst höfðu töluvert á liðnum árum. Nýi samningurinn er vísitölutryggður, en verra er að íbúðum sem félögum innan HSV stendur til boða, fækkar og verða í framtíðinni 5.

Verkefnasamningur Ísafjarðarbæjar og HSV.

Fyrir liggur samningur um skilgreind verkefni í samræmi við samning bæjarins við héraðssambandið. Stjórn samþykkir að verkefni og fjárhæðir skiptist áfram með sama hætti og undanfarin ár. Formanni falið að skrifa undi rsamninginn fyrir hönd félagsins.

2. Uppgjör fyrir árið 2016.

Fyrir fundinn var lagt svohljóðandi uppgjör frá HSV, vegna deilda innan Vestra.

		Knattspyrna	Körfuknattleikur	Blak	Sund
Framlag	Ísafjarðarbær	385.318	301.147	265.825	189.619
	Lottó og getraunir	999.075	779.562	689.297	490.773
Frádragið	Skattur og tryggingar	170.677	170.142	43.497	93.834
	Áskrift Skinnfaxi	2.990	2.990	2.990	2.990
	Íbúðakostnaður	917.165	673.981	231.031	0
samtals		293.561	233.596	677.604	583.568
Alls greitt	1.788.329				

Formanni falið að óska eftir frekari upplýsingum og sundurliðun um liðinn; skattar og tryggingar. Gjaldkera falið að ganga frá greiðslum til deilda.

3. Hússtjórn Vallarhúsins.

Ekki hefur enn tekist að fullmanna hússtjórn vegna Vallarhússins, en markmiðið er að hana skipi ca. 5 manns frá öllum deildum félagsins. Kallað verður til fundar um leið og hússtjórnin telst fullskipuð.

4. Sunddeild.

Starfsemi í sunddeild Vestra hefur legið niðri undanfarna mánuði í kjölfar á þjálfaravandræðum og almennum doða í starfsemi.

Kathrin Chambers, deildarstjóri í Háskólasetrinu, hefur lýst yfir áhuga á að starta starfi í deildinni. Hugmyndir um horfa til barna í 4. og 5. bekk og taka við þeim einstaklingum sem eru að koma úr íþróttaskóla HSV. Formanni falið að ræða við Kat og finna mögulega fleti á málinu.

Jafnframt er áhugi á að ná utan um það takmarkaða æfingastarf sem núna fer fram undir utan ramma íþróttafélaga. Formanni jafnframt falið að ræða við Margréti Eyjólfsdóttur og kanna áhuga á samstarfi.

5. Bílamál deilda

Formaður upplýsti að knattspyrnudeild hafi nýverið hafið endurnýjun á bifreiðaflota sínum en deildin festi kaup á 14 manna Ford Transit 4x4, fyrir 3,2 milljónir. Bifreiðin var staðgreidd og verður rekin af meistaraflokki.

Aðalstjórn Vestra áréttar að allar meiriháttar fjárfestingar skuli bera undir aðalstjórn, áður en til þeirra er stofnað.

6. Nýtt gólf á Torfnesi

Miðað við þann hraða sem er á framkvæmdum við nýtt gólf í Íþróttahúsinu á Torfnesi eru töluverðar líkur á að framkvæmdin sé að stefna í að vera tímafreakari en til stóð í upphafi. Allar tafir á að húsið opni aftur fyrir æfingar og keppni eru mjög alvarlegar fyrir íþróttafélög á svæðinu.

Aðalstjórn Vestra lýsir yfir þungum áhyggjum af fyrirsjáanlegri töfum í framkvæmdum og skorar á Ísafjarðarbæ að tryggja með öllum ráðum að verktaki standi við útgefinn tíma á verklokum.

7. Önnur mál.

Aðalstjórn var beðin um að skila inn athugasemdum við fyrirhugaðar merkingar á nýja gólfinu í Íþróttahúsinu á Torfnesi. Stjórn telur sig ekki hafa forsendur til að álykta um málið og vísar því til stjórna deilda.

Ferðasjóður ÍSí. Umsóknarfrestur er til 10 jan nk. Deildir eru hvattar til að skila inn gögnum og umsóknum um styrki vegna keppnisferðalaga.

Formaður greindi frá kynningu sem verið hafði á síðasta formannafundi og fjallaði um tillögu sem hafði komið fram á þingi UMFÍ. Tillagan fjallaði um að heimila íþróttabandalögum inngöngu í UMFÍ. Tillagan var felld á þinginu, en líklegt verður að telja að málinu sé ekki lokið. Ljóst er að verði þessi áform að veruleika, munu tekjur til félaga, m.a. innan HSV, skerðast talsvert.

Fjármál aðalstjórnar. Gjaldkeri ræddi stöðu fjármála aðalstjórnar og næstu skref.

Fleira ekki gert, fundi slitið kl.18:40

Fundargerð ritaði Siggí Hreins